

**1. Tatala Aloa'ia le Ofisa o le Faalapotopotoga o Mea Tau Fale o Samoa i Salelologa.**

Ua faamaonia e le Kapeneta le tatalaina aloa'ia o le ulua'i ofisa o le Faalapotopotoga o Mea Tau Fale o Samoa i Salelologa, i le Aso Tofi 7 o Mati, 2007.

O le Afioga i le Palemia, Susuga Tuilaepa Sailele Malielegaoi o le a fofogaina le saunoaga autu o lenei faamoemoe. O le afa o le iva i le taeao e amata ai le Sauniga.

O le a faalauiloa foi i lenei faamoemoe, faiga faapa'aga a le Faalapotopotoga o Mea Tau Fale o Samoa ma le Au a Samoa mo Taaloga a le Pasefika, e ala i le tauaaoina atu e le Faalapotopotoga o le fesoasoani tupe e \$10,000 tala i le Peresetene o le SASNOC e fesoasoani ai i tapenaga a le Au Taaalo a le atunuu mo lea faamoemoe i le masina o Aokuso.

**Samoa Housing Corporation opens new office at Salelologa.**

Cabinet has approved the official opening of the new Samoa Housing Corporation office at Salelologa on Thursday 8<sup>th</sup> March, 2007.

Honourable Prime Minister, Susuga Tuilaepa Sailele Malielegaoi will deliver the keynote address. The ceremony starts at 9:30am.

The partnership between Samoa Housing Corporation and PFL Team Samoa will also be launched during the ceremony. Samoa Housing Corporation will present PFL Team Samoa financial assistance of \$10,000 to assist with its preparations for the South Pacific Games in August.

**2. Malaga le Afioga i le Palemia i le Fono a le IRB.**

Ua faamaonia e le Kapeneta le auai atu o le Afioga i le Palemia, o le Taitaifono foi o le Iuni Lakapi a Samoa, Susuga Tuilaepa Sailele Malielegaoi i le Fono a le IRB e usuia i Aukilani Niu Sila i le Aso Tofi 8 o Mati, 2007.

O le a malaga faatasi le Afioga i le Palemia ma le Pule Sili o le Matagaluega a le Palemia ma le Kapeneta, Afioga Auseugaefa Vaasatia Poloma Komiti.

### **Prime Minister attends IRB Meeting in Auckland.**

Cabinet has approved the travel of the Hon Prime Minister, who is also the Chairman of the Samoa Rugby Football Union, Susuga Tuilaepa Sailele Malielegaoi to attend the IRB Meeting, that will be in Auckland on Thursday 8<sup>th</sup> March, 2007.

The Chief Executive Officer of the Ministry of the Prime Minister, Afioga Auseugaefa Va'asatia Poloma Komiti will accompany the Hon. Prime Minister.

### **3. Faiga Faapitoa Tau Ponesi mo alii ma tamaitai taaalo.**

Ua faamaonia e le Kapeneta le faatinoina o Faiga Faapitoa Tau Ponesi mo alii ma tamaitai taaalo e tausinio e fa'aagatama faavaomalo.

Ua tuuina atu nei i le Faalapotopotoga o Petipetiga a Samoa e tapenaina ni ta'iala e faavae ai le faatinoina o Faiga Faapitoa Tau Ponesi.

O le a avea lenei faiga fou o se auala e matua una'ia ai alii ma tamaitai taaalo e siitia lo latou taumafai i taaloga faavaomalo. E le gata i lea, a e o se faiga e faalauiloa ai Samoa i le lalolagi.

### **Bonus Scheme for Sports**

Cabinet has approved establishing a Bonus Scheme for all sports players in Samoa.

The Totalisator Agency Board has been delegated the responsibility of drafting the policies for the Bonus Scheme.

The new Scheme will be used as a tool to encourage the players competing at international level to win gold medals. It will also be another way to promote and boost the image of Samoa overseas.

### **4. Lipoti o le Fono Faaletausaga Lona 25 a Loia o le Pasefika.**

Ua faamaonia e le Kapeneta le Lipoti o le Fono Faaletausaga Lona 25 a Loia o le Pasefika, sa usuia i Kiripati mai le 9 – 12 o Fepuari, 2007.

O nisi o mataupu taua sa talanoaina e aofia le : faatuina o se Ofisa Autu o lenei Fono pe a maea ona faamautu ona tiute, aufaigaluega ma lona faatupeina; faatuina o se Ofisa Autu le mautu i le i si ono masina o lumanai e galulue ma se soa Komiti o le Fono e faamautu mataupu uma faatatau i le faatuina o le Ofisa Autu; faatuina o le Ofisa Autu le mautu i Canberra, Ausetalia atoa ai ma le; suia o le igoa o le Fono mai le 'Pacific Islands Law Officers' Meeting' i le 'Pacific Islands Law Officers' Network.

O le Susuga Saronā Rimoni, o le Ofisa o le Loia Sili sa auai atu e fai ma Sui o Samoa i lenei Fono.

**Report on the Pacific Law Officers' Network 25<sup>th</sup> Annual General Meeting.**

Cabinet has approved the Report on the Pacific Law Officers' Network 25<sup>th</sup> Annual General Meeting, that was held in Kiribati from the 9<sup>th</sup> – 10<sup>th</sup> February, 2007.

Matters of importance discussed include: setting up of the Pacific Law Officers' Network's Secretariat; setting up of the Network's Interim Secretariat; acceptance by Australia's Office of the Attorney General to set up the Interim Secretariat at its headquarters in Canberra and ; officially changing the name of the Pacific Islands Law Officers' Meeting to Pacific Islands Law Officers' Network.

Ms Saronā Rimoni, of the Office of the Attorney General represented Samoa at this Meeting.

**5. Tuua e le Sa o le Nafanua le atunuu mo le Atu Kuki.**

Ua faamaonia e le Kapeneta le faimalaga atu o le Sa o le Nafanua mo se galuega tuufaatasi ma le Va'a Leoleo a le Malo o le Atu Kuki, ua faaigoaina o le Tui Moana mai le aso 19 – 31 Mati, 2007.

O lenei galuega tu'ufa'atasi o lo o faatinoina i lalo o le maliēga i le va o Malo e lua na sainia i le tausaga 2005 ma o lo o faatupeina e le Vaega o le Puipuiga a le Malo o Ausetalia. O le a mata'ituina ai le leoleoina o gataifale o Malo e lua mai i gaoioiga faasolitulafono o lo o faatinoina i totonu o ogasami o le Pasefika.

**MV Nafanua to participate in Operation Tui Moana.**

Cabinet has approved the participation of the Police Patrol Boat, MV Nafanua, in Operation Tui Moana that will take place in the Cook Islands during the period 19 – 31 March, 2007.

Operation Tui Moana is a joint operation by the Government of Samoa and the Cook Islands funded by the Government of Australia. This regional activity will focus at how best the two nations can increase surveillance presence in their Exclusive Economic Zones and protection from illegal activities in the Pacific waters.

## 6. Oka Tusifolau Fou mai le Kamupani a le De La Rue i Egelani.

Ua faamaonia e le Kapeneta le faaaogaina o tupe le faatagaina mo le totogiina o le oka tusifolau e luasefulu afe mai le Kamupani a le De La Rue Identity Systems i Egelani.

O nei tusifolau ua suia tulaga aloa'ia faavaomalo e pei ona i ai tusifolau o i si atunuu e pei o Niu Sila ma Ausetalia. O lenei oka o tusifolau ua faatinoina ona o le maualuga o le tulaga manaomia o lo o i ai nei tusifolau e pei ona faamalosi ai le faia o tusifolau mo fanau e malaga.

### **20,000 passports from De La Rue Identity Systems in England.**

Cabinet has approved the use of unauthorized funds to pay for the order of 20,000 passports from De La Rue Identity Systems Company in England.

The new passports are similar to the passports used by Australia and New Zealand and have met all ICAO standards. The order will cater for the increasing demand for new passports.

## 7. Fesuaiga o le Tau o Suau ma le Penisini.

Ua faamaonia e le Kapeneta le fesuaiga o le tau o suau'u ma penisini mo le masina o Mati, 2007.

<b>SUAUU</b>	<b>FEPUARI</b>	<b>MATI</b>	<b>SUIGA</b>
Penisini	216.6 sene/lita	211.3 sene/lita	(5.3) sene/lita (2.5)
Tiso	218.7 sene/ lita	221.3 sene/lita	(2.6) sene/lita(1.1)
Karasini	212.6 sene/lita	206.5 sene/lita	(6.1) sene/lita (3.0)

